



UNIVERSITÄTS-
BIBLIOTHEK
PADERBORN

Baldvini Cabilliavi E Soc. Iesv Magdalena

Cabilliau, Baudouin

Antwerpen, 1625

LXXXVI. Angor absente Christo.

[urn:nbn:de:hbz:466:1-70461](https://nbn-resolving.org/urn:nbn:de:hbz:466:1-70461)

Semita collucet vocali persona ludo,
 Quà nouus ignorum rescidit vltor iter.
 Iamque triumphato spoliū deportat Auerno,
 Limina qui quadrâ rupit athena trabe;
 Quaque triumphalem longo trahit agmine
 pompam

CHRISTVS ouans, socio te iubet ire choro.
 Mille Duces inter solus spectatur IESVS;
 Nec comes hic festâ Magdala fronde vires?
 Curarum heu! tibi mille serit noua cura catenas;
 Teque nigrâ mortis compede vincla grauant.
 Quid tibi vis, luctu quæ vertis acerba triumphū?
 Alterius palmas cur tua damna facis?
 Cerne, cauo saxo spoliū tibi liquit Auerni;
 Et moreris victæ mortis ad exuias?
 Quod genus hoc luctus? raptæ modò pignora
 vitæ,
 Quæ tibi vis pariat spes, peperisse doles?
 Hoc Amor? Inuidia est: & adhuc mentiris A-
 morem?
 Quis furor hic, vitâ sospite velle mori?

L X X V I.

Angor absente CHRISTO.

PRIMA venit, postrema redit, cassamque se-
 pulcro
 Larga vouet, parili panè sepulta specu
 Magdalis. elingui vox hæret vinc̄ta palato;
 Et brutæ statuæ par, sine mente stupet.
 Scilicet absentem cruciat procul ardor IESV
 Dissitus, & lento decoquit igne iecur.

K

Eminus

Eminus absentem si sic Deus angit & vrit;
Quid facit, os flammâ dum propiore ferit?

L X X X V I I.

*Navis inermis MAGDALENAM
deportat in exsilium.*

CYMBAVEHIT Martham, fragili quæ textitur
alno;

Par Mariam curtâ stans trabe cymba vehit.
Et par cymba vehit iusto cum pondere fratrem,
Cui soror alternum cingit vtrimque latus.
Iamque natat ponto, Zephyri crispante flabello:
Ludicra veliuolos ventilat aura sinus;
Spumeaque impellit æquatis marmora remis,
Spumosumque secat clauus arator iter.
Sic equidem rebar, sed tonsa hîc nulla, nec vllus
Remus, & infidis anchora fida vadis.
Nōne procellosis pila ludicra voluitur Austris
Linter, & incertis errat vt aura fretis?
Imbellisque abies ventos irritat, & æquor,
Vt trepidam vincant ad sua bella ratem?
Vt lubet, Astræos acue in fera prælia fratres
Acole, fluctifonas adijce Caure minas:
Haud tamen vndiuagis Eurûsve Notûsve qua-
drigis
Subruet errantem per freta sæua ratem.
Nōne vides? victrix per inhospita regna timoris
Labitur inuito puppis inerma mari.
Cur ratis hæc velit armamenta? natatile ponto
Ipsa sibi Cælum fit ratis: astra vehit.

Cal-